

تقدر تطير..؟!!

تقدر تطير؟

من بعد ما ضاقت
وضاقت للأخير؟
وكبتك أحزانك السودا
وغاب عنك.. كل شيء اشتقت
له في ذكرياتك..
وانهدم في داخلك حلم
صغير..

تقدر تطير؟

وهذا شعورك للورق
منسرق
كلك / خيالك / أمنياتك
أو نقول: إحساس بوحك
احترق
بوحده يواسيها الأرق
من صفحتك تبدا هنا
وتنسى هال أنا.. وتبقى
إلى أن تنتهي آخر معاني
ضحكتك

في وجه جدران الطفولة
والعنا

توادع الفرحة الرهينة
وكل طيف بدمتك
وتحت مسيرك بالليالي لـ
المنى

تتلحف الـ / آه الطويلة
وتشتكي من خطوتك
اللي حكمت
انك ضرير

..

تقدر تطير؟

وكل صوت فـ / داخلك
تحس فيه يكتفك بـ الآن
واللحظة.. وأوهام الثواني

والمكان

يحسبك انك تجاوزت
الكبر بأزمان
وزاد عمرك هالوهم.. والههم
فيك
وانتهى تاريخ عشقك
للأمان
وانه ينادي بـ أعلى ود فـ /
جوفك الخاوي يسير:

كان يا ما كان

وكنك غير
يا أيها الإنسان
وش غير البسمة إلى
ضحكات جان؟

يا عايش افـ / حبكة قيودك
والزمان

يا معتقد إن كل شيء افـ
دنيك مثلك.. كبير
وان حلمك لحاله.. مدى
وذكرياتك هالصدى
وما يضيّق خاطرك إلا
التزامك في وقاك لـ هالضمير
اللي يكرر لك صور تكوين
ذاتك

من ثرى

وانك كبرت

جدا كبرت

على فؤادك هالصغير

تقدر تطير؟

هذا نبض قلبك، تهجّك
وزعل

طال انتظاره للهنا من بين
يديك

لو هي على حُبّه؟ تخطّك

ورحل

والموت ارحم من حياته
يحتريك

ويحتريك

ويحتريك

ويغص بالعبرة الدفينة

ويبتعد منك.. إليك

يتمتم.. بنظرة حزينة:

ما جيتني

.. على شان أجيك

كم كان يحلم بالأمان

جابتك

حتى تلوى من عذابه

والهجير

آخر وفاء؟ ان كل ذكرى

عابتك

وانه يحاول يخفي الدمع

الغزير

لا ما درى ان امنياته

صابتك

وان الجنون احيان

فالعقل يصير

والله يصير!

مثل الحنين اللي دخلك

بأولك

وجاور الروح السجينة

وانتهى بنفس المصير!

من بعد ذا

علمني بس:

تقدر تطير؟

محمد الكحلاني